

EGOITZEN ITXIERA

Batasunaren hainbat egoitza itxi zituen atzo Ertzaintzak Araban, Bizkaian eta Gipuzkoan, eta, Guardia Zibilak Nafarroan. Hona hemen laburpen bat.

ARABA. Ertzaintzak Gasteizko Ramiro de Maeztu kaleko egoitza itxi zuen. Operazioa arratsaldeko 16:10 inguruan hasi eta 18:00etan amaitu zen. Ertzaintza atarian bildutakoen kontra oldartu zen eta barruan zeudenak aterazi zituen.

BIZKAIA. Ertzaintzak Bilboko Areatzan Batasunak duen egoitza hustu eta itxi zuen. Arratsaldeko 16:30 inguruan hasita, ordu eta erdi inguru jardun zuen Ertzaintzak Garzonen agindua betetzen. Kanpoaldean bildutakoekin zein barruan gordetakoekin tirabirak izan zituen.

GIPUZKOA. Donostian, lehenik, Arrasate kaleko egoitza eta, geroago, Arriola pasealekuko itxi zituen Ertzaintzak. Oldarraldi batzuk izan ziren eta atxilotu batzuk ere.

NAFARROA. Guardia Zibilak eta Espainiako Poliziak hainbat egoitza eta bulego itxi zituzten atzo eta herenegun gauean Nafarroan: Iruñean, Elizondon, Leitzaan, Lizarran, Altsasun, Tafallan, Vianan, eta Tuteran.

ISTILUAK

Kasu gehienetan Ertzaintza bortizki oldartu zen egoitzen inguruan bildutakoen kontra bidea zabaltzeko

NAFARROA

Iruñeko Alde Zaharreko bi 'herriko tabernen' bulegoak itxi zituen atzo arratsaldean Poliziak

kontrako eta independentziaren aldeko oihuak egin zituzten.

«Zailtasun operatiboa»

Nafarroan Espainiako Poliziak eta Guardia Zibilak herenegun gauean Batasunaren egoitzak ixteari ekin bazioten ere, Araban, Bizkaian eta Gipuzkoan atzo arratsaldera arte ez zen hasi Ertzaintza Garzonen agindua betetzen. Alde hau ez zela «interpretazio arazoengatik» argitu zuen atzo goizean Josu Jon Imaz Eusko Jaurlaritzako bozeramaileak. Erabakia bete-



MARISOL RAMIREZ / ARGAZKI PRESS

Arnaldo Otegi, Ibon Arbulu eta Batasuneko beste kide bat Bilboko egoitzaren balkoian, Ertzaintzak kanporatu aurretik.

Otegi: «A zer-nolako argazkia atera duen gaur Ibarretxek!»

EAJri, EAri eta IUri egotzi die erantzukizun politikoa, Ertzaintza Batasunaren egoitzak ixtera bidaltzeagatik

Iñaki Uriarte | **BILBO**

«Ibarretxe jaunari asko gustatzen zaio esatea erretratatu egin behar dela gizartearen aurrean. Gaur a zer-nolako argazkia atera duen Baskongadetako lehendakariak!», adierazi zuen Arnaldo Otegi Bilboko egoitzatik kanporatua izan eta gutxira.

«Azken finean burujabetza-aren alde borrokatu beharrean euskaldunen artean euskaldun batzuk beste euskaldun ezkertiar eta independentista batzuen kontra estatuaren morroi bihurtzen dira», adierazi zuen Batasuneko bozeramaileak Areatzan bertan.

«Espainiar estatu faxistatik» Batasunaren aurkako erasoa espero arren, beste jarrera bat nahi zuen EAEko Gobernutik. «Espreski, guk ardura politikorako egindako deiari muzin egin dio Gasteizko Gobernuak», ohartarazi zuen egundoko euri zaparradapean.

Otegiaren hitzetan, «horrek ardurak oso garbi jartzen ditu, baina ez ditu jartzen Ertzaintzan, jartzen du Ertzaintza hona bidali duen hainbat arduradun politikoengan, konkretuki Ibarretxerengan eta Gasteizko Gobernuan dauden EAJ, EA eta IUn».

Ildo beretik joanda, «konzienteki, borondate osoz, Er-

ESANAK

ARNALDO OTEGI

(Batasuneko bozeramaileak)

«Euskaldun batzuk beste euskaldun independentisten kontra, estatuaren morroi bihurtzen dira»

«Konzienteki, borondate osoz, Ertzaintza jarri dute Garzonen eta Aznarren zerbitzura»

«Garbi dago bateraezinak direla Euskal Herria eta Estatu espainiarra»

tzaintza jarri dute Garzonen eta Aznarren zerbitzura», gaineratu zuen Otegi.

Burukide abertzalearen aburuz, hori izan zen atzoko «albisterik tristeena».

Parlamentario abertzalearen iritziz, «PP eta PSOEko burukideek esan dute gaur atzera-kontu bat hasten dela Batasunarentzat eta oso oker dabilta. Gaur estatu espainiarrentzat beste atzera-kontu bat ireki da, azken batean garbi baitago bateraezina dela Euskal Herria eta Estatu Espainiarra».

Hortik ondorioztatu zuen ez dela Batasuna ez dena kabitzen demokrazia espainiarrean, «Euskal Herria da kabitzen ez dena».

Batasunaren oinarri sozialari konfiantza eskatu zion. «Euskal Herria izango da Espainiar faxisten Stalingrado politikoa», berretsi zuen.

razteko «zailtasun operatiboa» argudiatu zuen Imazek atzerapena azaltzeko. «Ertzaintzak beteko du legea», gaineratu zuen.

Bien bitartean, Baltasar Garzonen auto berri bat kaleratu zuen atzo goizean, aurrekoan jasotako agindu batzuk hobeto zehazteko. Hala nola, Garzonek argitzen zuen bezperako agindu judiziala «bete beharrekoa» zela eta betearazteko indar polizialek egoitzak hustu behar baldin bazuten halaxe egin behar zutela. Ixteko agindua «HB-EH-

Batasunak, zuzen edo zeharka, entitate gisa edo bere kideen bidez, erabiltzen dituen egoitza, lokal, establezimendu edo bestelako zentroei» dagokiela zehaztu zuen Garzonek atzo.

Ertzaintzak Batasunaren egoitzak ixteari ekin aurretik PP eta PSOEren aldetik adierazpen ugari izan ziren, Garzonen agindua betetzeko eskatze aldera. Adibidez, Jose Maria Michavilla Espainiako Justizia ministroak adierazi zuen Eusko Jaurlaritzak «aukera handia» daukala «Estatuarekin kolaboratzeko».

Halaber, Garzonen agindua «berehalakoan» beteko zuelako itxaropena agertu zuen Michavilla ministroak. Javier Arenas Administrazio Publikoetarako ministroak ere ez zuen zalantzarik Ertzaintzaren jokabideaz. «Ez daukat dudarik epailearen erabakiak beteko dituenentz, behartuta dagoelako, edozein agintari demokratikok bezala», adierazi zuen Arenasek.

Nafarroan Guardia Zibila

Herenegun gauean Espainiako Poliziak Iruñeko Txantrea au-

zoko Batasunaren egoitza nagusia eta Kale Berrikoa itxi ondoren, gauean zehar, Guardia Zibilak Leitzanelizondon, Lizarran eta Altsasun egoitza bana itxi zuen. Altsasun Herria Egin ez kirol eta kultura elkartearen egoitza itxi zuen. Atzo goizean, berriz, Tafalla, Biana eta Tuteran egoitza bana itxi zuen. Azkenik atzo arratsaldean, Iruñeko bi herriko tabernari lotutako bulegoak eta lokalak itxi zituzten: Aitzinaren beheko taberna eta denda eta Arrano Elkartearen bilera bulegoa.